

未 44

43

囊砭喉書

蕭鱗



喉症

書



署



南京中医药大学图书馆版权所有

光緒壬寅季冬同人醵刻

板存
寺前
學福堂書坊



序

吾邑陳巷有陳任者少任俠道光季年緣事戍潼關
任子薇卿念父遠戍比長習刀槩二十餘年獨身赴
戍所省父尋遇赦得歸任弟坤培工擊刺兼擅方伎
尤精于喉科藥奇效不輕傳其方咸豐庚申粵寇至
坤培率其子芝珊拒賊于道步橋旁有偃柳卧河之
半坤培踞柳巔賊來自高岸舉槍仰擊之輒中其目
賊憤甚銜盃蔽目如牆而進芝珊抱父走坤培怒揮
芝珊去獨迎戰攢刃死賊復醢而焚之芝珊痛父死

誓復讐在大壩橋殺賊百餘一日復持刃乘間連殺
十三賊承平三十年挂刀于壁每天陰月黑刀環瑤
然血斑斑如拭芝珊老而聾瞽道當年殺賊事怒氣
猶勃勃也吾隣嚴春岩子幼岩壻其家得書一冊兒

子

承萊

假以歸覽之帙如掌蠶眠細字紙斷爛則囊

秘喉書也是歲秋冬起喉證次年春尤盛間取其
二方製藥施輒驗思傳其書而體例驕駁方名詭異
囑新陽王君士翹吾友蕭君中孚釐定之二君參考
諸家存精義而歸于馴雅胡君雀年勸同人醵資付

剗刷至是書作者爲楊龍九氏近代莫舉其名若無
陳氏珍秘則山巖屋壁淪毀幾何又非僅楊氏書一
端已也

光緒二十八年十二月海虞俞鍾鑾撰



囊秘喉書目錄

敘

診法

辨證

類證

治法

藥例

醫方上

醫方下



製藥

附錄

跋

目錄



南京中医药大学图书馆版权所有

囊秘喉書

楊龍九著

新陽王景華重訂

診法

喉症切脈須辨內外二因內因係房勞傷腎鬱怒傷肝或喜啖煎炒炙煇熱傷肺胃熬損陰津逐漸而起脈宜細數有力忌芤濇外因感六淫之氣邪客肺胃痰火上壅驟然而發脈宜浮洪滑數忌急促無神結代沉伏者不治舌病脈當左寸大於右手牙病脈當右關大於左手正者爲順反者爲逆醫者須明辨治

之診脈合症萬無一失

夫脈有表裏定位右手寸口表手陽明太腸

傳道之官裏

手太陰肺

相傳之官

脈浮濇而短右手關部表足陽明胃

倉廩之官

裏足太陰脾

諫議之官

脈緩而散大右手尺部表手

少陽三焦

決瀆之官

裏手厥陰心包絡命門

臣使之官

脈緩而

悠洋左手寸口表手太陽小腸

受盛之官

裏手少陰心

主

之脈悠洋緩散左手關部表足少腸膽

中正之官

裏足厥

陰肝

將軍之官

脈沉而弦長左手尺部表足太陽膀胱

都

之裏足少陰腎

作強之官

脈虛細

女尺宜大

三部之脈呼吸四

至爲平反此則病遲寒數熱細緩虛寒細數虛熱脈
位既定乃審苗竅

舌屬心

舌乃心之苗

舌之中屬心舌根亦屬心舌之四圍

屬脾舌邊紅屬脾火舌尖紅屬心火舌胎白寒黃熱

焦黃熱甚黑者熱極若黑而潤爲假熱喉之左右通

舌根屬肝小舌名帝丁屬胃又屬腎右喉屬肺胃左

咽屬肝心左爲咽右爲喉口上腭屬胃

陰分下腭屬脾

陽分

牙上齦屬胃下齦屬脾唇屬脾齒屬腎上齒爲胃

脈所經下齒爲大腸脈所經小腸三焦循心上入於

咽腎之脈循喉嚨挾舌本外兩耳垂下屬肝經達咽
并耳後清空之地亦屬肝經喉花爲帝中
紫筋爲舌繫下通於腎

性命關舌下



辨症

夫咽者水穀之道路喉者呼吸之門戶乃人身要害之地症雖不一大要總歸於火蓋少陰少陽君相二火其脈並絡於咽喉故往往爲症之所結聚經云一陰一陽結爲喉痺痺者閉也不通其閉則火鬱痰塞而死火乃痰之本痰乃火之標故言火則痰在其中言咽喉則牙舌亦包羅於內矣火有虛實實火因過食煎炒炙煨蘊熱積毒其症煩渴二便閉塞風火生痰上壅將發喉痺必先三日胸膈不利脈弦而數治

宜先去風痰後解熱毒虛火或飲食太過或因忿怒
或因色慾火痰上攻咽喉乾燥必二便如常少陰脈
微虛治宜補虛降火凡用藥不可純用寒涼取效目
前蓋上熱未除中寒復起毒氣乘虛入腹胸前高起
上喘下泄手足指甲青黑色七日以後全不進食口
如魚口者死治喉症最忌發汗悞人不淺如針出血
卽汗之之義若寒傷於腎及帝中腫者尤不宜針至
如內傷虛損咽喉失音無法可療喉症初發一日卽
見寒戰戰後身涼口不碎又無重舌或二便俱利不

可認作熱症此上盛下虛其痰不可提盡此痰卽津液所化只宜消降亦不可太降其與熱症乳蛾搥舌之痰毒腫一處以消盡毒痰而愈者不同若提盡則津竭神枯必死須以吹藥或用燈草取嚏使喉一通卽服煎劑第一劑發散和解第二劑養陰溫補設三四日後再發寒戰或心痛骨痛脚痛等症皆屬難治發時牙關緊閉喉舌俱脹口碎而臭或有重舌及舌有黃屑發後下午再發寒熱二便閉塞卽作熱症芩連敗毒散主之此亦易愈之症如漸起至三四日後

而寒熱者雖凶亦不爲患惟牙關反不緊閉唇不腫
口不臭又無表熱者難治舌以筋押之其色雪白起
筋卽紫紅色此血肉已死舌押之卽白未必爲死也然口臭者或
有可生口渴氣急痰多而稠如桃膠者死期已速一
頸俱紅腫者亦危症也面帶紫色面青帶白神氣虛
者俱難救不語者死略能語者尙有可生之機面色
無神喜坐低處難治喉花爲帝中性命所關舌下紫
筋爲舌繫下通於腎白腫不治傷之卽死凡治不可
不審之

凡纏喉風及一切喉症去痰太多則內必虛如陰痿
傷寒一般必用人參少加肉桂導火歸元方可醫治
唇白者不治頭面項腫者無妨如紅腫至胸前難治
因毒氣攻心也原注紅腫至胸前余父曾治謝姓者
前劑中用護心散而愈若不用此毒
歸於心笑無痰者不治痰去太多則精神已竭病雖
不休而死似好飲食如常不知者以爲全愈殊不知少頃卽發
脈細卽死如未譖語急用人參可救氣急不治病久
寒戰骨痛不治寒戰一日外卽死唇如胡桃肉色不
治醬色亦不治使病人與好人同坐衣冠若無病者